



Broj: 04-1-3-2784-1/24
Sarajevo, 27.06.2024. godine

Na osnovu čl. 5. stav (1) tačka c), 12. stav (4) i 23. stav (1) tačka a) Zakona o Agenciji za bankarstvo Federacije Bosne i Hercegovine („Službene novine Federacije BiH”, broj 75/17), člana 22. tačka 10) Zakona o mikrokreditnim organizacijama („Službene novine Federacije BiH”, broj 59/06), čl. 27. tačka (j), 28. i 29. Odluke o uslovima i postupku izdavanja i oduzimanja dozvole za rad i drugih saglasnosti mikrokreditnim organizacijama („Službene novine Federacije BiH”, broj 103/18), te čl. 7. stav (1) tačka c) i 16. stav (1) tačka b) Statuta Agencije za bankarstvo Federacije Bosne i Hercegovine („Službene novine Federacije BiH”, broj 3/18), rješavajući po zahtjevu Mikrokreditnog društva IuteCredit BH d.o.o. Sarajevo broj: IZ-43/2024 od 27.05.2024. godine, sa dopunom dokumentacije broj: IZ-51/2024 od 14.06.2024. godine, direktor Agencije za bankarstvo Federacije Bosne i Hercegovine donosi

RJEŠENJE

1. Mikrokreditnom društvu IuteCredit BH d.o.o. Sarajevo, sa sjedištem u ulici Maršala Tita br. 22/II, Sarajevo oduzima se dozvola za obavljanje poslova davanja mikrokredita, koja je izdata Rješenjem Agencije za bankarstvo Federacije Bosne i Hercegovine broj: 04-1-3-4482-12/18 od 28.02.2019. godine, sa 30.06.2024. godine.
2. Mikrokreditnom društvu IuteCredit BH d.o.o. Sarajevo nije dozvoljeno sklapati nove poslove u vezi sa obavljanjem poslova davanja mikrokredita od 30.06.2024. godine, osim onih poslova kojima se osigurava prestanak obavljanja poslova davanja mikrokredita i usklađivanja djelatnosti sa ovim rješenjem na način određen Zakonom o mikrokreditnim organizacijama.
3. Ovo rješenje Agencija za bankarstvo Federacije Bosne i Hercegovine će objaviti u „Službenim novinama Federacije Bosne i Hercegovine“ i dostaviti ga nadležnom sudu u svrhu pokretanja likvidacionog postupka.
4. Žalba na ovo rješenje ne odlaže izvršenje istog.

Pouka o pravnom lijeku:

Protiv ovog rješenja može se izjaviti žalba Komisiji za odlučivanje po žalbi protiv prvostepenih akata Agencije za bankarstvo Federacije Bosne i Hercegovine – Drugostepena komisija u roku od 8 dana od dana dostave rješenja, u skladu sa odredbom člana 12. stav (3) Zakona o Agenciji za bankarstvo Federacije Bosne i Hercegovine. Žalba se podnosi putem organa koji je donio rješenje ili Drugostepenoj komisiji direktno, neposredno ili putem pošte na adresu Agencije za bankarstvo Federacije Bosne i Hercegovine.



DIREKTOR

Jasmin Mahmužić

Dostaviti:

- Mikrokreditno društvo IuteCredit BH d.o.o. Sarajevo;
- "Službene novine Federacije BiH";
- Općinski sud Sarajevo;
- a/a



Zmaja od Bosne 47b,
71000 Sarajevo,
Bosna i Hercegovina



++ 387 (33) 72 14 00
++ 387 (33) 66 88 11



E agencija@fba.ba
W www.fba.ba

